

PINNGITSOORANI QINNUTISSAQ
TAKINEQ

ULLOQ UNNUARLU ATAASLARLUGU
TAANEQARTASSAAQ.

*Kialuunniit kissaatigisappagu qinnut inna atuassallugu,
nikuilli Guutimullu saalluni, taavalu
nikorfavimminiitilluni talerpimmut saamimullu qiviarli
soorlulusooq Naalakkaminit nakkinnineq utaqqillugu,
tassaasoq Naakkinninnerpaasoq, Misigimqataasoq.
Taavalu oqarli:*

Illit-aa Tassaasutit aqgit tamarmik Naalagaat
qilaallu Pinngortitsisuat! Suussutsivit ersinngitsup,
Qutsinnerasaasup Naalannangaartup
Qaammalernerit aqputigalugit torlorfigaakkit
qinnutigat tassaqqullugu Illit kusanassutsinnik
assiaqutaasimasunut inneq nungusaasoq,
qaamaanerlu Qanissutsivit Imarsuanut
aqputissuisusaaq.

*Taavalu assani Guutimut - Taanna pilluaqquneqarli
nersornangaarlunilu, qinullumi qullarligit - oqarlunilu:*

Illit-aa silarsuup Erinigisaa, inuiaqatigiillu tamarmik
Asasaat! Isigaarma Ilinnut saattunga, sumillu
allamit Illiunngitsumit kaanngaqqasunga,

Allunaasat najummatserfigigiga, taassumap
aalaneratigut pinngortitaq tamarmi
aalaterneqarsimavoq. Tassaavunga kiffat,
Naalagaq-aa, kiffavillu ernera. Isiginnga
Kissaatigisat Piumasallu suliarissallugu
piareeqqallunga nikorfasunga, allamimmi
kissateqannginnama taamaallaat Nuannaarnerit.
Ilungersorlunga qinnuigaakkit Naakkinninnerpit
Imaatigut Saammaannerpillu Ulluata Ulloriaa
aqputigalugu, kiffat Piumasat Kissaatigisallu
malillugu peqqullugu. Piumasat eqqartuinnerit
unnersiutigineqarnernillu tamanit qutsinnerpaasoq
pillugu! Sunaluunniit Ilinnit
saqqummersinneqarsimasooq tassaavoq uummatima
kipisaffigisaa tarnimalu asasa. Guuti-aa, Guutiga!
Neriutikka suliakka isiginagit Piumasat qilannik
nunamillu tamanit unguisimasooq taamaallaat
isiguuk. Aqgit Sunik Tamanit Anginersaasoq
pillugu, Illit-aa inuiaqatigiit tamarmik Naalagaat!
Kissaatigisat kisiat kissaatigivara. Asaallu kisiat
asallugu.

*Taavalu seeqqummerli, qaamilu nunamut tutsillik,
oqarlunilu:*

Kialuunniit Illiungitsup nassuiaaneranit
paasinnissinnaaneranillu qutsinnerungaarputit.

Taavalu nikuillumi oqarli:

Qinnutigat, Illit-aa Naalagara, imermik
uumassutissalimmik puilasunngortiguk,
tassuunakkut uumasinnaaqullunga Naalagaaffippit
ataneratut siviutigisumik, Illillu Silarsuarpit
arlaanniluunniit eqqartorsinnaaqullutit.

Taavalu qinullumi assani qullarligit oqarlunilu:

Illit-aa, pillutit uummatit tarningillu Ilinnik
avissaarsimanertik pillugu suujunnaarsimasut.
Asanninnerpillu innera pillugu silarsuaq tamarmi
ikuallalersimasooq! Ilungersorlunga qinnuigaakkit
Atikkut, taanna aqputigalugu pinngortitaq tamaat
naalatsigilersimasat, Ilinniuttut suulluunniit uannit
tunuarsimateqqunagit, Illit-aa inunnut tamanit
Naalagaasoq! Isigaat, Naalagara-aa, takornartaq
manna angerlarsimaffimminut qutsingaartumut
Naalannangaarsutsivit issiavissaarsuata
qilaannguusaata ataani ittumut,
Naakkinnissutsivillu oqartussaaffianut nukingertoq;
unioqqutitsisorlu manna Isumakkeerinerpit
Imaanik ujarlertoq; pinngortitarlu manna pitsoq
Pisuussutsivit Qaamaneranut saattoq.
Sukkulluunniit Piumasannik naalakkinnissamut
oqartussaassuseq tigummivat. Nalunaajaatigaara
sukkulluunniit Iliuutsitit tamarmik
unnersiutigineqartussaasut, Peqqussutitillu
maleruarnegassasut, Naalakkinnikkullu
killeqanngittuannassasutit.

*Taavalu assani qullarligit Aqqillu Anginersaat
(Alláh'n'Abhá) pingasoriarluni ulerliuk. Taavalu sikili
assani seeqqumminut tutsillugit Guutip - Taanna
pilluaqquneqarli unnersiutigineqarlunilu - saavani
oqarlunilu:*

Isigaat, Guutiga-aa, anersaara Ilinnik
qinnuiginnikkumalluni kipisanermini Ilinnillu
eqqaamannikkumalluni
unnersiutiginnikkumallunilu ilungersornermini
timiga tamakkerlugu qanoq
killinneqangaarsimatigisoq; qanorlu ililluni
Peqqussutsivit Oqaata Oqalunnerpit naalagaaffiani
Ilisimassutsivillu Qilaani nalunaajaatigisaa
nalunaajaatigisaa. Taamatut itsillunga, Naalagara-
aa, allamik asaqaanngilanga taamaallaat Ilinniittoq
sunaluunniit Ilinnut qinnutigissallugu,
taamaallillugu piitsuussusera takutinnaasagaku
Tukkussutit Pisuussutsillu
unnersiutiginiassagaku, taamatullu sanngiussusera
nalunaarutigissallugu Pissaanerit Nakuussutsillu
ersersinnaasagaku.

*Taavalu nikuillumi assani marloriarlugit qinnutigaluni
kivilligut oqarlunilu:*

Allamik Illiunngitsumik Guuteqanngilaq,
Ajugaqanngitsooq, sunit tamanit Tukkunerpaajusoq.
Allamik Illiunngitsumik Guuteqanngilaq,

aallaqqaataani naggataani Lu Atortunngortitsisoq. Guuti-aa, Guutiga! Isumakkeerinerpit sapiissusermik tunisimavaanga, Naakkinnissutsivillu nakussatsissimavaanga, Qaaqqusinerpillu itertissimavaanga, Saammaannerpillu qummut kivissimavaanga Ilinnullu ingerlatillunga. Kinaassagaluaramami Qanissutsivit illoqarfiata isaariaata saavani sapiiserlunga nikorfassaguma, kiinaraluunniit Piumassutsivit qilaata qaamanerata qinngornerisa tungaanut saatsissagukku? Isigaat, Naalagara-aa, una pinngortitaq nallinnartoq Saammaannerpit matuanut kasuttortoq, tarnerlu manna qarsupittoq Tukkussutsivit assaanit inuunerup naassaanngitsup kuussuanik ujarlertoq. Naalakkiineq qaquguluunniit Ilinniittuarpoq, Illit-aa Tassaasutit aqqit tamarmik Naalagaat; uangalu pisussaaffigaara asiginnaaneq tunniutiinnarumanerlu, Illit-aa Qilaat Pinngortitsisuat!

Taavalu assani pingasoriarlugit kivilligut oqarlunilu:

Guuti sunit annerusunit tamanit anginersaavoq!

Taavalu seeqqumiarli qaani lu nunamut tussilluk oqarlunilu:

Ilinnut qanittuusut unnersiutiginninnerisa Qanissutsivit qilaanut qullannissaannit

Qutsinnerungaarputit, Ilinnulluunniit tunniusimasut uummataasa timmiaasa Isaaffippit kusanartup matuata eqqaanut pinissaannut. Nalunaajaatigaara piginnaassutit aqqillu tamaasa qaangerlugit Illernartitaagavit. Allamik Illiunngitsumik Guuteqanngilaq, sunit tamanit Qutsinnerpaasoq, sunillu tamanit Naalannarnerpaasoq.

Taavalu ingilli oqarlunilu:

Pinngortitaasimasut tamarmik nalunaajaatigisimasat nalunaajaatigaara, qutsissumillu Katersarsuit Paradisimilu qutsinnerpaajusumi najugallit, taakkulu qulaanni Angissutit Oqaa Killingiusaami qaammarinnerpaasumumiittoq, tassaasutit Guuti, allamillu Illiunngitsumik Guuteqanngitsaq, aammalu Taanna Saqqummersinneqarsimasoq, tassaasoq Paasissaalluunngitsaq Toqqortoq, assersuut Erlinnangaartoq, Taannalu aqqutigalugu naqinnerit P I L E R I T (Pilerit) katitinneqarsimapput qilerneqarsimallutillu. Nalunaajaatigaara, Tassaasoq Taanna, Aqqa Qutsinnerpaap Allaataanik nalunaarsorneqarsimasoq, aammalu Guutip Atuagaanni eqqartorneqarsimasoq, Tassaasoq qutsissup Issiavissaarsuata taassumalu ataaniittup nunap Naalagaat.

Taavalu nikuilluni oqarli:

Illit-aa pinngortitaanerup suulluunniit Naalagaat, ersitsunik ersinngitsunillu tamanik Piginnittoq, Qulliikka anersaaminikkalu malugaatit, kappialanikka, aliasunnera, uummatimalu nimaarnera tusaavatit. Pissaanerit pillugu! Unioqquitsinimma Ilinnut qanillinnissara akornusersimavaat; ajortuliammalu Illernassutsivit najugaanit tunuarsimatissimavaannga. Asanninnerpit, Naalagara-aa, pisuttorsarsimavaanga, Ilinnillu avissarsimanagerup suujunnaarsissimavaanga, Ilinnillu ungasissuunerup piuneerutsissimavaanga. Torlulaffigaakkat maani inoqajuitsumi Tumivit eqqaanni, oqaatsillu makku atorlugit "Maaniippunga. Maaniippunga" soorlu Toqqakkavit killeqanngitsumik tamanna oqaatigiarsimagaat, Saqqummersitavillu anersaartorneri aqqutigalugit Nalunaarutiginninnerpit Qaalernerata anorai sallaatsut pillugit, akuereqquvunga Kusanassusermik isiginnissinnaaqullunga Atuakkavillu Peqqussutai tamaasa maleqqullugit.

Taavalu Aqqit Anginersaat pingasoriarluni ulerluuk, seeqquminullu assani ilillugit sikili oqarlunilu:

Unnersiutigineqarit, Guutiga-aa, Ilinnik eqqaamanninnissannut unnersiutiginninnissannullu

ikiorsimagama, aammalu Taanna Ilisarnaativit Qaalerneru unnut ilisartissimagakku, Angissutsit pillugu pallorfiginnittunngortissimagamma, Nalissaqanngissutsivillu saavani maniguuttunngortissimagamma, Angissutsivillu Oqaanit oqaatigineqarsimasut ilisartissimagakkit.

Taavalu nikuilli oqarlunilu:

Guuti-aa, Guutiga! Qitiga ajortimma artornartumit peqitinneqarsimavoq, soqutigisaqanngissutsimalu suujunnaarsissimavaanga. Qaqqugukulluunniit iliuusikka ajortut Illillu ajunngissutsit eqqarsaatigullualeraangakkit uummatiga ilunni aakkiartulersarpoq, aagalu taqqanni qalattut ilersarluni. Kusanassutsit pillugu, Illit-aa silarsuup Erinigisaa! Kiinara Ilinnut saatsikkakku aappillerpunga, assakkalu kipisattut kanngusullutik Saammaannerpit Qilaata tungaanut siaarsimapput. Isigaat, Guutiga-aa, qanoq qullimma Ilinnik eqqaamanninnissara, Piginnaassutsinnilu qutsingaartunik unnersiutiginninnissara akornuseraat, Illit-aa Issiavissaarsuup qutsinnermiittup, taassumalu ataaniittup Nunap Naalagaat! Ilungersorlunga qinnuigaakkat Naalagaaffippit ilisarnaatai tupinnartortaalu pillugit, asaatit Tukkussutit naapertorlugu peqqullugit, Illit-aa pinngortitat tamarmik Naalagaat, taakkumi

Saammaanninnut naleqqulluarmata, Illit-aa ersitsut
ersinngitsullu Naalagaat!

*Taavalu Aqqit Anginersaat pingasoriarluni utertarluk,
qaanilu nunamut tutsillugu seeqqummerli, oqarlunilu:*

Unnersiutigineqarit Guuterput-aa, uagutsinnut
aallartisisimagavit Ilinnut qanillisitsisussamik,
ajunngitsunillu tamanik eqqaamasaratsigut Ilinnik
aallartitanik Atuakkatit Allagaatitillu aqputigalugit.
Sernissortigut, taamatut qinnuigaatsigit, Naalagara-
aa, sinnatuinnaat iluaqutaanngitsut isumapalaallu
piunngitsut sakkutoorpassuinit. Illit, ilumut
tassaavutit Pissaanilik, sunik tamanik
Ilisimasaqartoq.

Taavalu niaqqi qullarluk, ingillunilu oqarti:

Guutiga-aa, nalunaajaatigaara toqqakkavit
nalunaajaatigisimasaat, akuersissutigalugulu
Paradisip qutsinnerussaartup innuttaasa
Issiavissaarsuarpillu eqqaani kaavissimasut
akuersissutigisimasaat. Nunarsuup qilaallu
Naalagaaffii Illit pigaatit, Illit-aa silarsuit Naalagaat!

—*Babá'u'lláh*